

## I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

### OGASUN, FINANTZA ETA AURREKONTU SAILA

**Foru Gobernu Kontseiluaren 2/2023 Foru Dekretua, urtarrilaren 24koa. Onestea alda dadila zenbait autolikidazio eta aitorten aurkezteko eta ordaintzeko epea**

Foru Dekretu honen xedea da autolikidazioak eta aldizkako aitortenak aurkezteko eta ordaintzeko borondatezko epea bateratzea, baldin eta horien epemugak urte natural bakoitzeko urtarrilean gertatzen badira. Horrela, urte natural bakoitzeko urtarrilaren 1etik 31ra bitarteko epean aurkeztuko eta, hala badagokio, ordainduko dira.

Horretarako, honako hauek aldatzen dira: abuztuaren 1eko 40/2014 Foru Dekretua, Pertsona Fisikoen Errentaren gaineko Zergaren Araudia onesten duena; abuztuaren 1eko 41/2014 Foru Dekretua, Sozietateen gaineko Zergaren Araudia onesten duena; urtarrilaren 12ko 3/2016 Foru Dekretua, Ez-egoiliarren Errentaren gaineko Zergaren Araudia onesten duena; eta apirilaren 27ko 124/1993 Foru Dekretua, Balio Erantsiaren gaineko Zergaren Araudia onesten duena.

Araudi honek proportzionaltasun printzipioa betetzen du, eta xedapen honekin bete nahi den beharrari erantzuteko ezinbestekoak diren arauak biltzen ditu. Ez dago xede horretarako beste neurririk, hartzaileen eskubideak gutxiago murrizten dituenik edo hartzaileei betebeharrak gutxiago jartzen dizkienik.

Ekimen honen bidez segurtasun juridikoaren printzipioa bermatzen da, eta koherentea da estatuko eta Europar Batasuneko gainerako ordenamendu juridikoarekin.

Foru dekretu hau izapidetzean gardentasun printzipioari jarraitu zaio, zeina Administrazio Publikoaren Administrazio Prozedura Erkidearen urriaren 1eko 39/2015 Legearen 129. artikulua arautzen baitu.

Zerga Araudiaren Zerbitzuak horri buruz egindako araudi inaktuaren txosten laburtua aztertu da.

Horregatik, Ogasun, Finantza eta Aurrekontu Saileko foru diputatuak proposatuta, eta Foru Gobernuaren Kontseiluak gaur egindako bilkuran gaia aztertu ondoren,

#### XEDATZEN DUT

#### **1. artikulua. Aldatzea Pertsona Fisikoen Errentaren gaineko Zergaren Araudia onesten duen abuztuaren 1eko 40/2014 Foru Dekretua**

Honako aldaketa hauek sartzen dira Pertsona Fisikoen Errentaren gaineko Zergaren Araudia onesten duen abuztuaren 1eko 40/2014 Foru Dekretuan:

Bat. Aldatu egiten dira 104. artikulua 1. apartatuaren lehenengo, bigarren eta hirugarren paragrafoak eta 2. apartatuaren lehenengo paragrafoa. Honela geratzen dira idatzita:

“1. Atxikipenak eta konturako sarrerak egin behar dituen subjektuak apirilaren, uztailearen eta urriaren lehenengo hogeita bost egunetan aurkeztuko du aurre-aurreko hiru hilabete naturalaren-gatik beharrezko diren atxikipenen eta konturako sarreraren aitortpena, eta haien zenbatekoa Arabako Foru Aldundian sartuko du. Aitzitik, atxikitako kopuruen eta konturako sarreraren aitortpena, urteko azken hiru hilabete naturalari dagokiona, hurrengo urteko urtarrilean aurkeztu beharko da.

Hala ere, aurreko paragrafoan aipatzen den aitortpena eta diru sarrera hilabete bakoitzaren lehenengo hogeita bost egun naturalen barruan egingo da, atxikitako kopuruei eta aurreko hilabeteari dagozkion konturako sarrerei dagokienez, baldin eta atxikitzaileak edo zergapekoak

badira eta Balio Erantsiaren gaineko Zergaren Araudia onesten duen apirilaren 27ko 124/1993 Foru Dekretuaren 71. artikulua 3. apartatuko 1. eta 2. zenbakietan aipatzen diren inguruabarrak gertatzen badira.

Salbuespen gisa, aurreko paragrafoko aitortpena eta diru sarrera honako epe hauetan egingo da:

– Uztailari dagokiona abuztuan eta hurrengo iraileko lehenengo hamar egun naturaletan egingo da.

– Abenduari dagokiona hurrengo urteko urtarrilean egingo da.

Aurreko bi paragrafoetan xedatutakoa berdin aplikatuko da administrazio publikotzat hartzen diren atxikitzaileak edo konturako diru sarrerak egitera behartutako zergapekoak direnean, Gizarte Segurantzaren barne, baldin eta haien urteko azken aurrekontua, ekitaldia hasi aurretik onetsia, 6 milioi eurotik gorakoa bada, araudi honen 77. artikulua 1. apartatuaren a) eta c) letretan eta 2. apartatuaren c) letretan aipatzen diren errentei dagozkien atxikitako zenbatekoei eta konturako sarrerei dagokienez. Hala ere, kasuan kasuko atxikipena eta diru sarrera zuzenean egingo da etekinaren erakunde ordaintzailea Arabako Foru Aldundia denean.”

“2. Atxikitzaileak edo konturako sarrera egitera behartuta dagoenak aurreko urtean egindako atxikipenen eta konturako sarreraren laburpena aurkeztu behar du urtero urtarrilean.”

Bi. 123. artikulua 1., 2., 3., 4., 5., 11., 12., 15. eta 17. apartatuak aldatzen dira, eta honela geratzen dira idatzita:

“1. Etxebizitzak erosteko maileguak ematen dituzten erakundeek mailegu horien urteko informazio aitortpena aurkeztu beharko dute hurrengo urteko urtarrilean. Bertan, honako hauek jasoko dira: mailegu hartzaileen izen-abizenak eta identifikazio fiskaleko zenbakia, maileguaren zenbateko osoa, mailegu hartzaile horiek ekitaldian kapitalaren interesengatik eta amortizazioagatik ordaindu dituzten zenbatekoak, eta mailegua eratu zen urtea eta maileguaren iraupena.”

“2. Zerga honengatik kenkarirako eskubidea ematen duten dohaintzak jasotzen dituzten entitateek dohaintzen urteko informazio aitortpena aurkeztu beharko dute hurrengo urteko urtarrilean, Irabazteko xederik gabeko entitateen zerga araubideari eta mezenasgorako zerga pizgarrii buruzko abenduaren 23ko 35/2021 Foru Arauan xedatutakoaren arabera.”

“3. Inbertsio kolektiboko erakundeen sozietate kudeatzaileek, inbertsio-sozietateek (sozietate kudeatzaileak izendatu ez badute), atzerrian egoitza duten inbertsio kolektiboko erakundeen erakunde merkaturatzaileak eta Espainian zerbitzuak libreki emateko araubidean jarduten duten sozietate kudeatzaileen ordezkariak, hurrengo urteko urtarrilean, bazkideek edo partaideek egindako akzioen edo partaidetzen besterentzen urteko informazio aitortpena aurkeztu beharko dute, eta bertan honako datu hauek jasoko dira:

a) Bazkidearen eta partaideen izen-abizenak eta identifikazio fiskaleko zenbakia.

b) Akzioak edo partaidetzak eskuratzeko eta besterentzeko balioa.

c) Bazkidearen esku dauden akzioek edo partaideek zenbat denbora iraun duten.

Betebehar hori betetzat joko da Kapital errentetan eta ondare irabazi jakin batzuetan atxikipenak edo konturako sarrerak egitera behartuta dauden pertsonak eta entitateek aplikatu beharreko araudia onesten duen urtarrilaren 26ko 6/1999 Foru Dekretuak 33.2 artikuluan aipatzen duen urteko aitortpena aurkeztuz gero, baldin eta aurreko letretan eskatzen den informazioa jasotzen bada dekretuan.”

“4. Kreditu erakundeek honako hauek aurkeztu beharko dituzte hurrengo urteko urtarrilean:

a) Etxebizitza kontuen urteko informazio aitortpena, honako datu hauek jasoko dituenak:

a') Etxebizitza kontuaren titularren izen-abizenak eta identifikazio fiskaleko zenbakia.

b') Zergadun bakoitzak etxebizitza kontuan duen titulartasunaren ehunekoa.

c') Etxebizitza kontua ireki zen eguna.

d') Etxebizitza kontuaren hasierako eta amaierako saldoa ekitaldi bakoitzean.

e') Horretarako onesten den inprimakian agertzen diren beste datu batzuk.

b) Berrikuntza sustatzeko Europako funtsak eskuratzeko gordailuen urteko informazio aitortpena, honako datu hauek jasoko dituen:

a') Gordailuaren titularren izen-abizenak eta identifikazio fiskaleko zenbakia.

b') Zergadun bakoitzak gordailuan duen titulartasunaren ehunekoa.

c') Gordailua ireki zen eguna.

d') Zergadunek zergaren foru arauaren 90.ter artikulua 3. apartatua ezarritako mantentze-epea amaitu aurretik kendutako zenbatekoak.

e') Horretarako onesten den inprimakian agertzen diren beste datu batzuk.

Kreditu erakundeek b) letra honetan xedatutakoaren arabera eman behar duten informazioaz gain, kreditu erakundeak berrikuntza sustatzeko Europako funtsetan eskuratutako partaidetzen zerrenda aurkeztu beharko dute, bertan gordailututako zenbatekoen multzoa funts horietara bideratu denean, bai eta funts horietan izandako partaidetzen zerrenda ere, baldin eta partaidetza horiek aurreko d) letran aipatutako mantentze-epea amaitu aurretik eskualdatu edo itzuli badira. a Bi kasuetan, funts horiei berrikuntza sustatzeko Europako funts izaera aitortzen dizkien Ogasuneko zuzendariaren ebazpenei buruzko aipamena egin beharko da."

"5. Banku edo kreditu trafikoan aritzen diren bankuek, aurrezki kutxek, kreditu kooperatibek eta pertsona fisiko edo juridiko guztiek, indarrean dagoen araudiaren arabera, urteko informazio aitortpena aurkeztu beharko dute hurrengo urteko urtarrilean. Aitortpen horretan, erakunde horietan irekitako kontu guztiak identifikatuko dira, baldin eta kontu horien titulartasuna pertsona fisikoen errentaren gaineko zergaren zergadunei, sozietateen gaineko zergaren subjektu pasiboek edo establezimendu iraunkorra duten ez-egoiliarren errentaren gaineko zergaren zergadunei bada-ozkie, nahiz eta ordainsaririk, atxikipenik edo konturako sarrerarik ez egon.

Jakinarazi beharreko informazioak kontuaren eta pertsona edo erakunde titularren, baimendunen edo onuradunen identifikazio zehatza jasoko du, baita Ogasun, Finantza eta Aurrekontu Saileko foru diputatuak horretarako ezartzen duen beste edozein datu garrantzitsu ere."

"11. Langileen sindikatuak urteko informazio aitortpena aurkeztu beharko dute hurrengo urteko urtarrilean, honako datu hauekin:

a) Afiliatuen izen-abizenak eta identifikazio fiskaleko zenbakia.

b) Ordaindutako urteko kuota sindikalaren zenbatekoa.

Informazio aitortpen horretan sartzeko, afiliatuen baimena beharko da.

Zergaren Foru Arauaren 93.3 artikuluan xedatutakoaren arabera, paragrafo honetan aipatzen den informazio eremuan sartuta dauden zergadunek bakarrik aplikatu ahal izango dute langileen sindikatuak ordaindutako kuoten ziozko kenkaria."

"12. Alderdi politikoek urteko informazio aitortpena aurkeztu beharko dute hurrengo urteko urtarrilean, honako datu hauekin:

a) Afiliazio kuotak ordaindu dituzten edo erakunde politikoari nahitaezko edo borondatezko ekarpenak egin dizkieten pertsona fisikoen izen-abizenak eta identifikazio fiskaleko zenbakia.

b) Ordaindutako afiliazio kuotaren eta/edo egindako ekarpenaren zenbatekoa.

Aitortpen informatiboa sartzeko, ekarpen egilearen baimena beharko da.

Zergari buruzko Foru Arauaren 22.b) eta 93.3 artikuluetan xedatutakoaren arabera, laneko etekinen gastu kengarriak edo kuotaren kenkariak bakarrik aplikatu ahal izango zaizkie paragrafo honetan aipatzen den informazio eremuan sartuta dauden zergadunei."

“15. Araudi honen 46 bis artikuluan aipatutako biziarteko errentak merkaturatzen dituzten aseguru entitateek urteko informazio aitortpena aurkeztu beharko dute hurrengo urteko urtarrilean. Aitorpen horretan, identifikazio datuez gain, biziarteko errenten titularrei buruzko informazio hau ere jasoko dute:

- a) Izena, abizenak eta identifikazio fiskaleko zenbakia.
- b) Biziarteko errentaren identifikazioa, eratze data eta emandako prima.
- c) Eratutako biziarteko errentatik datozen eskubide ekonomikoak osorik edo partzialki aurreratuz gero, aurreratze data.”

“17. Epe luzerako aurrezki planak merkaturatzen dituzten aseguru entitateek urteko informazio aitortpena aurkeztu beharko dute hurrengo urteko urtarrilean. Aitorpen horretan, identifikazio datuez gain, epe luzerako aurrezki planen titularrei buruzko informazio hau ere jasoko dute:

- a) Izena, abizenak eta identifikazio fiskaleko zenbakia.
- b) Titulartasunean duen epe luzerako aurrezki planaren identifikazioa.
- c) Epe luzerako aurrezki planaren irekitze data. Planaren baliabideak mobilizatu badira, jatorrizko data hartuko da, hau da, planari ekarpenak egiteko erabili zen lehenengo aseguruari ordaindu zitzaion lehenengo primaren data izango da erreferentziakoa data.
- d) Epe luzerako aurrezki planari ekitaldian egindako ekarpenak, barnean sartuta, hala bada-gokio, planaren mobilizazioaren aurrekoak.
- e) Ekitaldian kapital higigarritik lortutako etekin positiboak eta negatiboak.
- f) Epe luzerako aurrezki plana iraungitzen bada, iraungitze data, plana ireki zenetik lortutako kapital higigarriaren etekin positibo eta negatibo guztiak eta, hala bada-gokio, egin beharreko konturako ordainketaren oinarria adieraziko dira.”

Hiru. 125. artikulua bigarren paragrafoa aldatzen da, eta honela geratzen da:

“Informazio aitortpen hori urtarrilean aurkeztuko da urtero, aurreko urtean egindako ekarpen eta xedapenei dagokienez.”

## **2. artikulua. Aldatzea Sozietateen gaineko Zergaren Araudia onesten duen abuztuaren 1eko 41/2014 Foru Dekretua**

Sozietateen gaineko Zergaren Araudia onesten duen abuztuaren 1eko 41/2014 Foru Dekretuaren 58. artikulua 1. apartatuaren lehen eta bigarren paragrafoak aldatzen dira, eta honela geratzen dira idatzita:

“1. Atxikitzaileak eta konturako sarrera egin behar duen zergapekoak, apirileko, uztaileko eta urriko lehen hogeita bost egun naturalen barruan, atxikitako kopuruen eta aurreko hiruhileko naturalari dagozkion konturako sarreraren aitortpena aurkeztuko diote zerga administrazioko organo eskudunari, eta zenbateko hori Arabako Foru Aldundian sartu beharko dute. Aitzitik, urteko azken hiruhileko naturalari dagozkion atxikitako kopuruen eta konturako sarreraren aitortpena hurrengo urteko urtarrilean aurkeztu beharko da.

Edonola ere, aurreko paragrafoan aipatzen den aitortpena eta diru sarrera hilabete bakoitzaren lehenengo hogeita bost egun naturalen barruan egingo da, atxikitako kopuruei eta aurreko hilabeteari dagozkion konturako diru sarrerei dagokienez, baldin eta atxikitzaileak edo zergapekoak badira eta Balio Erantsiaren gaineko Zergaren Araudia onesten duen apirilaren 27ko 124/1993 Foru Dekretuaren 71. artikulua 3. apartatuko 1. eta 2. zenbakietan aipatzen diren inguruabarrak gertatzen badira.

Salbuespen gisa, aurreko paragrafoko aitortpena eta diru sarrera honako epe hauetan egingo da:

- Uztailari dagokiona hurrengo abuztuan eta iraileko lehenengo hamar egun naturaletan egingo da.
- Abenduari dagokiona hurrengo urteko urtarrilean egingo da.”

**3. artikulua. Aldatzea Ez-egoiliarren Errentaren gaineko Zergaren Araudia onesten duen urtarrilaren 12ko 3/2016 Foru Dekretua**

Ez-egoiliarren Errentaren gaineko Zergaren Araudia onesten duen urtarrilaren 12ko 3/2016 Foru Dekretuaren 19. artikulua 1. apartatuaren lehen eta bigarren paragrafoak eta 2. apartatuaren lehen eta bigarren paragrafoak aldatzen dira, eta honela geratzen dira idatzita:

“1. Atxikitzaileak edo ez-egoiliarren errentaren gaineko zerga dela-eta kontura sarrera egin behar duen zergapekoak, apirilaren, uztailaren eta urriaren lehenengo hogeita bost egun naturalen barruan, atxikitako zenbatekoen eta aurreko hiruhileko naturalari dagozkion konturako sarreraren autolikidazioa aurkeztu beharko du eta zenbateko hori Foru Ogasunean sartu beharko du. Aitzitik, urteko azken hiruhileko naturalari dagokion atxikitako kopuruen eta konturako sarreraren aitorpena, hurrengo urteko urtarrilean aurkeztu beharko da.

Edonola ere, aurreko paragrafoan aipatzen den autolikidazioa eta diru sarrera hilabete bakoitzaren lehenengo hogeita bost egun naturalen barruan egingo da, atxikitako kopuruei eta aurreko hilabeteari dagozkion konturako diru sarrerei dagokienez, baldin eta atxikitzaileak edo zergapekoak badira eta Balio Erantsiaren gaineko Zergaren Araudia onesten duen apirilaren 27ko 124/1993 Foru Dekretuaren 71. artikulua 3. apartatuko 1. puntuari aipatzen diren inguruabarrak gertatzen badira.

Salbuespen gisa, aurreko paragrafoko aitorpena eta diru sarrera honako epe hauetan egingo da:

– Uztailari dagokiona hurrengo abuztuan eta iraileko lehenengo hamar egun naturaletan egingo da.

– Abenduari dagokiona hurrengo urteko urtarrilean egingo da.”

“2. Atxikitzaileak eta konturako sarrera egitera behartuta dagoenak aurreko urtean egindako atxikipenen eta konturako sarreraren laburpena aurkeztu behar dute urtero urtarrilean.

Laburpena telematikoki eginez gero, urtarrilean aurkeztuko da urtero.”

**4. artikulua. Aldatzea Balio Erantsiaren gaineko Zergaren Araudia onesten duen apirilaren 27ko 124/1993 Foru Dekretua**

Ondoko aldaketak sartzen dira Balio Erantsiaren gaineko Zergaren Araudia onesten duen apirilaren 27ko 124/1993 Foru Dekretuan:

Bat. Aldatu egiten da 30 bis artikulua 1. zenbakia, eta honela geratzen da idatzita:

“1. Araudi honen 30. artikuluan ezarritakoa gorabehera, bidaiariak edo salgaiak errepidez garraiatzeko jardueran ari diren subjektu pasiboek, zergaren araubide erraztuaren arabera ordaintzen badituzte zergak, eta, erregelamendu honen 30. artikulua 2. apartatuaren b) eta c) letretan ezarritako baldintzak betez, jarduera horiei lotutako garraiobideak erostearen ondorioz zergaren kuota kengarriak jasan badituzte, kuota kengarri horiek itzultzeko eskatu ahal izango dute garraiobideak erosi ondoko hilaren lehenengo 25 egun naturaletan, salbu eta abenduan egiten bada; kasu horretan, hurrengo urtarrilean eskatu ahal izango dituzte, Ogasun, Finantza eta Aurrekontu diputatuak horretarako ezartzen dituen prozedura, leku eta moduari jarraituz.”

Bi. 48. artikulua 1. apartatua aldatzen da, eta honela geratzen da:

“1. Zergari buruzko araudiaren 131. artikuluko 1. zenbakian xedatutakoaren arabera Ogasunak egin behar dituen konpentsazio itzulketen eskaerak Foru aldundian aurkeztu beharko dira, Ekonomia Itunean ezarritakoaren arabera, hiruhileko natural bakoitzaren ondorengo lehenengo hogeita bost egun naturalen barruan.

Aitzitik, urteko azken hiruhileko naturaleko itzulketa eskaera hurrengo urtarrilean aurkeztu ahal izango da.

Eskaera onetsitako ereduari egokituko zaio.”

Hiru. 71. artikulua 4. apartatua aldatzen da, eta honela geratzen da:

“4. Aitorpen likidazioa Ogasun, Finantza eta Aurrekontu Saileko foru diputatu titularrak kasu bakoitzerako zehazten duen eredura egokitu eta bete beharko da, eta dagokion hileko edo hiru-hilekoko likidazio aldiaren ondorengo hilaren lehenengo hogeita bost egun naturalen barruan aurkeztu beharko da, dagokionaren arabera.

Aitzitik, ondoren adierazten diren aitorpen likidazioak honako epe berezi hauetan aurkeztu beharko dira:

1. Uztaileko likidazio aldiari dagokiona, hurrengo abuztuan eta irailaren lehenengo hamar egun naturaletan.

2. Urteko azken aldiari dagokiona, urtero urtarrilean.

Apartatu honetako aurreko paragrafoetan ezarritakoa gorabehera, Ogasun, Finantza eta Aurrekontu Saileko foru diputatu titularrak, arrazoi tekniko oinarridunak kontuan hartuta, bide telematikoz aurkez daitezkeen aitorpenen epea luzatu ahal izango du.”

Lau. 81. artikulua 3. apartatua aldatzen da, eta honela geratzen da:

“3. Artikulu honen 2. paragrafoan aipatutako kasu guztietan, urteko azken aldiari dagokion laburpen aitorpena urtarrilean aurkeztu beharko da.”

#### AZKEN XEDAPENA

Foru Dekretu hau ALHAOn argitaratu eta hurrengo egunean sartuko da indarrean, eta lehenengo ondorioak 2023ko urtarrilean aurkeztu beharreko aitorpen eta autolikidazioetan izango ditu.

Vitoria-Gasteiz, 2023ko urtarrilaren 24a

*Diputatu nagusia*

**RAMIRO GONZÁLEZ VICENTE**

*Ogasun, Finantza eta Aurrekontu Saileko foru diputatua*

**ITZIAR GONZALO DE ZUAZO**

*Ogasun zuzendaria*

**MARÍA JOSÉ PEREA URTEAGA**